

明

史

明史卷一百五十三

列傳四

諸王中

遼簡王植太祖第十五子共武十一年封爵王二十五年改王遼國於廣寧明年之國燕師之起王之國遁焉遂棄而奔於京師成祖即位移其國荆州久之有詔稱其罪盡削其護衛在位四十一年薨子貴烜與貴烜有烏獸行又暴虐嘗杖殺其長史杜述而答辱荆州知府劉永在位十五年其罪盡發乃廢為庶人貴烜之次弟曰貴燮又其次弟曰貴燧又其次弟曰貴煊簡王末年貴燮與貴煊誣王不軌仁宗知而

廢之故貴焞既廢而貴煇踰次得立是為肅王王待  
故其貴焞之子豪堪虐有詔戒王王在位三十三年  
薨子靖王豪城立王之長子卒請以其妻妾殉憲宗  
曰王不聞先帝末命耶不許在位六年薨子憲王恩  
立松滋鎮國將軍恩鏞等以事怨王共謀賊之朝廷  
為錮恩鏞等高墻而誦其黨於邊王使人陰殺諸當  
戍者八十餘人荆人咸以是咎王也不數日而王之  
長子無疾死王在位五十五年薨子恭王寵浚立恭  
王孝友最為遼之賢王在位二十五年薨子莊王致  
騶立存位十四年薨子憲櫛立憲櫛貪淫狂誇而酷

愛道家之說諸奸黠少年及方士多歸之相與爲不法之事當是之時世宗方以奉道先天下而喜憲櫛之罷司乙也因其請賜號清微忠教真人鑄金印賜之憲櫛益驕從方士劉洞元等學符呪其法常用人頭一有醉卧道旁者殺而取其頭一城驚視莫敢誰何嘗易道士剝服以出導以所作諸神免迎牌榜牒杖入百姓家強爲建醮邀其厚酬得賄七筭數要道中好女納之宮中即不從輒生置棺中燒殺之烝於祖姑原陵郡君紉從父之妾愛妓張大兒與生子川兒冒爲請名封儀賓李世榮等欲發其事而見殺又

造炮烙決日燠耳諸淫刑所賊殺不可勝計小人門  
事者至竊用蟒衣玉帶僭稱伯金吾諸名號焉世宗  
故以奉道故愛幸憲栴及世宗之崩不舉哀亦不持服  
也諸不法事蓋什百於貴烺矣隆慶元年巡按御史  
陳 等劾之有詔奪其真人名號及金印又革祿米三  
之一猶不俊於是巡按御史卨先復上疏數其大  
罪十三侍卨洪朝選等徃治之皆不証遂廢爲庶人  
銅之高墻園除

慶靖王櫛太祖第十六子洪武二十四年與寧岷谷  
韓潘安唐郢伊九王同日封國於寧夏二十六年詔  
以年彗儲侍未克王宜暫駐慶陽北古常州城盜火  
之乃得之寧夏而王以常地壇奠殊念之成祖時請  
願得歲一至幸避暑許之正統初以寧夏總兵官史  
昭數說之朝請徙國避昭英宗慰以手書而不許在  
位四十八年薨子康王秩燧立在位三十一年薨子  
懷王邃壘立在位九年薨無子弟莊王邃塹立在位  
十一年薨子恭王寘鑿立在位五年薨子台濬立台  
濬既立 年而安化王寘鐸反寘鐸者靖王之曾孫

也狀貌偉然或言其當大貴真鏞良喜自負指揮何  
錦周昂丁廣以巡撫寧夏都御史安惟學苛暴輕折  
辱將士怨之三人者皆受幸於真鏞往來府中甚密遂  
相與爲逆謀當是之時朝政一出於劉瑾少卿尚東  
奉命覈屯地至寧夏希瑾指督責嚴急率以五十畝  
爲一頃且按畝科銀賂瑾人情大擾真鏞因其擾也  
乃使錦昂廣率衆因會擊鎮守太監少監總兵官坐中  
殺之而襲殺惟學及東於公署草檄教朝廷罪授錦  
昂廣大將軍及左右副將軍名號天下既積苦瑾虐  
思亂者衆及真鏞之起遠近洶洶朝廷震駭大發兵

以討之然真鑄實無遠畧惟盡取黃河渡船匿之絕  
渡者爲自守計時寧夏副總兵楊英游擊仇鉞皆屯  
兵在外英所部士卒聞變悉潰英走靈州與守備史鏞  
共處鉞雅著威望真鑄召之即引兵入城見真鑄之  
無遠畧也乃稱疾卧不出英密致書鉞俾而內應而  
鏞又潛奪所匿渡船陳師欲遂渡真鑄懼使錦廣率  
師三千拒之河留昂城守昂就鉞問計鉞斬之因襲  
執真鑄逆黨皆驚潰錦廣亦爲其下所殺真鑄遂死  
其舉軍九十有八日而敗朝廷所發大兵皆未至也  
當真鑄之起諸臣已見殺慶王台滋遂稽首臣於真



錯至是有詔責數之革其護衛薄以示罰王故不道  
既因事見黜不知變怒巡撫都御史張璠及太監李  
昕搃兵官种勋謀殺之事覺坐廢長子萬櫝尚幼以  
鞏昌王寘釗管府事台滋之待萬櫝也甚虐寘釗欲  
并敗其父子而自立陰使人誘萬櫝以傾台滋而寘  
釗內行素汙亂豐林王台瀚亦欲敗而代之遂相攻  
擊以至先後事皆發有詔銅寘釗高墻安置台滋西  
安并替台瀚而以萬櫝管府事其後萬櫝病卒無子  
乃以其弟萬枋爲世子管府事台滋遇赦得還久之  
卒而萬枋立是爲惠王好學樂善能以禮飭諸宗世

宗重之在位二十四年薨子端王倪嬭立  
在位十二年薨子憲王仲域立  
在位一年薨子師錚未及襲爵  
而哮拜陷寧夏師錚尚幼母妃  
方氏抱而匿之土窖中得免而  
妃懼汗自縊薨事平有詔建祠  
以表妃而師錚立  
在位一年薨是爲王子倬灌立  
崇禎十六年李自成陷寧夏被執

寧獻王權太祖第十七子國於大寧洪武二十六年  
之國王好學能文然有武畧大寧東連遼東南蔽北  
平而外以朶顏福餘泰寧三衛爲藩衛王所統邊兵  
凡八萬皆精銳朶顏等三衛士尤驍勇善戰當是之  
時王以太祖命與燕王棣等諸王圍於塞上者每歲  
率師捕寇燕王善戰王善謀二王相與會塞上尤相  
得甚也建文時猜忌諸王以燕王及王英武擁重  
兵於邊尤惡之有詔召王入朝王不即至遂削王三  
護衛軍而是時燕王已舉事北平朝廷大發兵討之  
燕王患兵少不足用又懼大寧遼東撤其後乃與諸

將謀取大寧以控遼東而悉收其精兵及朵顏等三衛士爲己用即倍道至大寧慟哭見王佯道窮蹙狀丐王爲奏朝廷王信其誠不爲備燕王使人陰結三衛欲與俱南而諸軍士多中土人不能寒方日夜思歸聞此言則大喜與三衛士咸聽命於是燕王辭去王郊餞之燕伏兵執王遂悉以其衆還北平於是燕兵益強無後患用能有成效燕王既即位封王南昌復其三護衛單王怨望曩時事頗驕恣不遜宣德四年朝議定宗室將軍祿米視品級王抗言宗室安得有品時高煦新以及誅朝廷方務裁抑諸王答書折

以祖制詞甚厲未幾王又請灌田不許始懼而自戕  
王故好學能文其在燕軍中時爲燕草檄既懼禍韜  
晦乃益以著書自娛所居宮庭無丹青之飾覆殿鏡  
甃不請琉璃構楹廡一區多蔣花藝竹而著書其中  
書畫至數十種王始能言自稱大明奇士既老號臞  
仙在位五十八年薨世子磐斌前卒孫惠王奠培立  
奠培怨布政使崔恭不從己令誣奏其罪恭亦奏王  
潘扈事按治直恭王坐削三護衛軍其後又與石城  
王奠塔交惡被旨切責未幾又與樂安王奠堃忿爭  
朝廷數王怙過不悛革祿米之半王在位四十三年

苑子康王親鈞立。在位六年。苑子宸濠立。寧自獻王  
建國以來。世有過惡。至於宸濠凶暴。益甚。遭時昏亂。  
逆脾脫神器。稱兵向闕。而狂諄無謀。卒之自覆其國。  
宸濠以弘治十二年襲封。越六年而武宗即位。宸濠  
當武宗之世。始內連劉瑾。竇緣得復三護衛軍。瑾敗。  
見削。遂與錢寧、臧賢交通。而尚書陸完等又左右之。  
得復護衛如瑾時。且并屯田予之。而宸濠所以賂遺  
寧、賢及完等者。無不至。凡所求必遂。所惡必去。故其  
反謀得成。當宸濠之未請復護衛也。欲探朝廷意。先  
上言請賜音樂院。色長冠帶。比天子教坊司。武宗特

屈群議而從之宸濠借竊之心從此滋甚既得復護  
衛軍又厚養死士招集盜魁凌十二閩廿四吳十  
三等以致仕都御史李士賓舉人劉養正爲謀主日  
夜相與爲叛逆事而惡中外官之有敗已事者欲盡  
箝其口大學士費宏以建議沮復護衛軍遂至免歸  
既家居又幾爲所戕副使胡世寧以頌言其驕橫得  
罪戍遼東御史范輅以不肯具朝服如臣禮見爲中  
傷去于是中外畏其威不敢忤又懼宗人之不已從  
乃上言諸宗多不法請得繫治之有詔善其言諸宗  
人遂爲積威所劫俯首聽其命反謀既成典寶閔順

等諫不聽走京師告變朝廷方倚爲宗室望反爲之  
罪頃等宸濠之爲謀益無所忌當此之時錢寧等已  
許立宸濠子爲武宗太子宸濠意猶不愜以武宗方  
日事巡幸乃於南昌作大院陳百戲令李士實撰詞  
曲誇示其美傳布四方以動上心欲俟車駕至而取  
之則天下可不勞而定而會太監張銳與錢寧有隙  
銳故與宸濠通至是知其爲不軌懼禍及且欲傾錢  
寧乃盡發寧交通宸濠狀武宗心動遂用御史蕭淮  
言遣駙馬崔元等徃戒諭之且削其三護衛軍錢寧  
不能庇反歸罪於臧賢而殺之宸濠聞之疑懼知前



計不成遂殺巡撫都御史孫璉副使許逵而舉兵反於南昌妃姜氏泣諫不聽時正德十四年六月丙子也宸濠前後所招死士及群盜至三萬其三護衛軍及脅從者又六七萬合十餘萬人以閏廿四等將之拜士竇太師養正國師移檄數朝廷罪且言武宗實異姓子祖宗不血食已十四年遂放兵四出戍黃蘗陷南康己卯又陷九江刻期直取南京遠近震動宸濠議僭號改元士竇養正請俟克南京而行之乃謀遂東下而聞提督南贛汀漳軍務都御史王守仁等自上沅起兵討之疑不敢動已而知其兵尚未集

乃留直春王棋櫓居守伏兵千人於新舊墳廠以拒  
守仁而身自將大軍聯舟千餘而東七月壬辰朔發  
南昌所過焚掠欲以示威民甚怨之當是時宸濠既  
以守仁故留十餘日不進故安慶以東皆得爲之備  
始宸濠本謀欲經城勿攻直取南京及過安慶爲守  
臣張文錦楊銳所辱怒而留攻之文錦銳城守甚堅  
百計不能克而守仁聞宸濠之東即合列府之兵趨  
南昌問道襲破其伏兵城中克懼辛亥兵傳城下遂  
克之擒棋櫓等寧府宮眷皆自焚死宸濠軍鋒既挫  
于安慶方計無所出及聞南昌已破則大懼遑遽解

圍西歸守禦部兵東進乙卯遇於黃家渡合戰宸濠  
大敗丙辰又大敗于八字腦退保樵舍連舟爲方陣  
丁巳守仁以火攻之衆遽大潰不能復戰宸濠及士  
賈養正等皆就擒婁妃投水死宸濠既見執乃思範  
言丐守仁爲叔葬之及坐檻車中益思妃以爲紂以  
用婦言已而已獨反之慟哭數恨不已宸濠狂諄無  
謀又素以貪暴失百姓心諸僞將皆賊徒未嘗知戰士  
實養正以文詞議論盜時名無實用故起兵凡四十  
日而敗武宗方下詔親征而宸濠已就擒遂俘之以  
歸明年伏誅於通州諸與交通者皆得罪宸濠之生

也康王夢蛇入宮中啖宮人且盡旦又聞鳩鳴心惡  
之欲勿舉而不果既長見其有淫行益惡之比薨猶  
不令入訣而宸濠行錢反以孝行受旌其後又諷諸  
生耆老頌己賢孝挾守臣奏之時武宗己入張鏡言  
覽奏驚曰保官得優陞保寧王賢孝欲何爲耶由是  
廷臣言始得入而宸濠亦遂舉其反宸濠既敗宮眷  
死有詔以弋陽王拱橫總統宗室其後又命弋陽樂  
安建安三群王分統之稍稍得脩禮樂行祀事獻惠  
二王廟下而寧府遂除康王之廟竟廢不祀矣初獻  
王作寧國儀範七十四章皆以忠孝恭儉垂訓子孫

盟之山川社稷之神有弗率者嬰顯慘然獻玉故嘗  
以怨望驕橫不遜聞於時故其傳世至於宸濠六七  
十年之間子孫亦無能守其訓者蓋自宸濠之反石城  
鎮國將軍宸濠獨以禮自持得不與其亂而弋陽端  
惠王拱積又用賢德統諸宗諸宗人亦親見禍亂以  
宸濠前事爲鑒於是其賢者乃始彬彬可紀焉其在  
代陽則拱積之子多斌事嫡母能行孝道從子輔國  
將軍多煌多炫多燦多炤皆好學多藝能而多煌尤孝  
友醇謹其妻熊氏卒義不更娶獨宿齋闕者二十六  
年多炫之交遊滿天下其卒也門人子弟私謚曰清

敏先生多煌之子謀往謀起謀重並善詞藻能  
承父志多烜之子謀墀亦好文學能拔俗石城則宸  
深之子拱概壽至八十有四再以年高有德受詔存  
問孫多燿曾孫謀墀仍四世有賢德樂安則端簡王  
拱樞亦辨過人又能以謙和得宗人心鎮國將軍多  
煊輔國將軍多燮亦有聲望端昂則奉國將軍拱柵  
拱樞拱樹皆優於文行其父宸渠坐宸濠事逮繫中  
都拱柵請以身代嘗被旨褒嘉其子多所亦有孝行  
而拱樞之子多煊拱樹之子多燿一時並號稱博洽  
建安則輔國將軍拱通頗著文雅名蓋當嘉靖隆慶

萬曆之世而獻王之子孫最爲多賢其好學有獻王  
遺風於寧儀範亦庶乎無愧云

岷祥王鞭太祖第十八子始封時詔國於岷州己而以雲南新附宜使親王往鎮之洪武二十八年王遂開府雲南建文初坐罪廢爲庶人流漳州成祖復其爵王性矜倨不能守禮至雲南則與西平侯沐晟交惡又擅殺官吏失軍民心幾召變屢訓戒不悟乃盡削其三護衛仁宗時移國武岡復欲有所傷害然不克逞在位六十三年薨恭王徽燦立莊王五子長白世子徽煥次則徽燦是也初封鎮南王又次曰江川王徽媚廣通王徽燧陽宗王徽燾莊王之世世子徽煥以誣徽燦爲誅謗得罪廢而徽燾又與徽燦共



作不法徽媚坐視不能止朝廷乃詔莊王悉以府事  
聽徽燦而切責三人者然徽媚本無他大惡而徽燦  
徽燦既被責惡滋甚終以謀反廢錮云恭王在位十  
二年薨子順王音塗立順王有罪削祿米之半在位  
十六年薨世子膺鉦立居喪無禮承奉劉忠驟諫囚  
而殺之又烝於父妻詔削冠帶停封而膺鉦之弟充  
城王膺錕居喪亦無禮其後膺錕坐廢錮以死而膺  
鉦用悔悟得免罪襲父位是為簡王簡王之從弟南  
渭王長子膺鐸殺廢弟膺鈔母而通其妻又欲殺膺  
鈔事覺廢錮簡王在位十三年薨子彥汰立彥汰以

幽囚媯母廢為庶人而其弟南安王彥泥亦坐內亂  
廢錮蓋岷之始祖莊王既不法故其子孫王者亦世  
多過惡久之以恩詔復彥汰王爵是為靖王王立  
年而廢廢十二年而復位復位年而薨子康王譽  
榮立 在位七年薨子憲王定燿立是時諸宗人亦多  
相與為不法事有詔岷王嚴加約束王在位年薨  
世子幹跬世孫企鈐立皆前卒世曾孫王禔洪立  
在位八年暴薨無子從父企鎧立企鎧幹跬弟幹坤  
之子而憲王之孫也崇禎十六年盜陷武岡王見殺

德太祖第十九子與魯獻王椿同母封谷王國於宣  
府洪武二十八年之國燕師起棄國歸京師爲天子  
守金川門燕師初渡江德登城望見燕王麾蓋還開  
門迎之入燕王即位論功賜樂七奏衛士三百金銀  
槍大劍及鈔幣金銀鞍馬甚厚又歲增糧米三千石  
賞其護衛指揮僉事張興都督僉事儀衛正張成都  
指揮使而移其國長沙德恃功居國中多奪民田侵  
分稅殺無罪人帝念其功優容之尚書茹瑺歸家不  
謁德坐死德益恣橫無所顧忌大作戰船器械攻戰  
具招匡亡命習兵法戰陣日與都指揮成及宦者吳

智劉信等謀逆號成曰師尚父智信曰國老舍公以  
識文書十八子當有天下乃曰吾於兄弟教當十八  
與識合用傳播惑教總太祖十九子而以趙玉祀殤  
故云然又選壯士習音樂獻之朝令其從中乘隙爲  
變長史盧廷綱發諫見殺都督興懼禍及因奏事北  
京見帝白狀過南京又言之太子帝及太子皆隱其  
事不即發總既與蜀王椿同母乃致書爲隱語道桓  
榮事且曰時不可失蜀王切責之而未悉發也會蜀  
王子崇寧王悅燻得罪亡之總所聽因誑衆曰往年  
我聞金川門以出建文皇帝今在我宮中我將伸天

義使之獲辟蜀王聞之大懼乃遣人走京師奏之帝  
既習聞興言遂賜書褒蜀王比之周公心存王室而  
召穗至京師穗謀未及成出不意惶遽就徵自引伏  
與其二子皆廢死詔盡誅諸與謀者興既先發其事  
得不坐而崇寧王悅燁亦以蜀王故免

韓憲王松太祖第二十子圖於開原然王竟未嘗之  
圖王恭謹無故過子冲煇冲焯冲熒皆賢而冲焯爲  
最著年立十七年薨世子冲煇立永樂二十二年移  
圖平亦哈之圖在位三十一年薨謚爲恭王子懷王  
範圮立存位二年薨子悼王偕洸立在位六年薨無  
子弟康王偕涌立康王立之明年當成化十三年而  
襄陵莊穆王冲焯薨冲焯性忠孝生母遘危疾日夜  
叩頭哀籲天而願以身代也已而疾果愈其于嫡母  
亦如之母歿後謁墓輒哀慟比老猶不改以至于歿  
身事兄恭王得弟道甚朝廷凡六賜書褒美平涼邊

北敵初恭王見敵騎充斥嘗發憤上書言邊事英宗  
優詔慰勞而不用也恭王薨後九年而有土木之難  
坤妖尤習邊防利害以敵入河套奮身請率子孫及  
界役軍捕逐之憲宗亦優詔相答而不許也而嗣後  
河套竟淪爲敵境終明之世莫能復云冲炆年七十  
有七乃薨薨後九年而樂安定肅王冲倭薨冲倭年  
踰八十好學不倦一言一動必則古昔賜書褒美再  
焉蓋其名稱亞于襄陵莊穆王而壽考則過之康王  
在位二十六年薨子昭王旭禮立昭王仁孝好學有  
惠于其國在位三十一年薨子定王融熾立定王立

後十七年當嘉靖三十二年而襄陵王融焚等二百六十餘人與定王忿爭相告有詔韓王融燧宜改過守法襄陵王融焚等削奪有差融焚之父曰懿簡王旭種旭種之父曰莊和王偕洌偕洌之父曰安穆王徽鈐徽鈐之父曰恭惠王範址範址之父曰莊穆王冲祿蓋自莊穆始開襄陵以來恭惠孝友壽考有父風嘗以年高德盛孝義彰聞見褒于朝而安穆莊和懿簡世濟厥美不替一門之內雍雍如也至于融焚始多作不義莊穆之風衰焉而是時韓定王融燧亦嗜剝昵小人不能承父昭王之志諸宗人多怨之者



故釁端遂起蓋憲王之子孫於是不肖者頗衆云定  
王在位二十九年薨世子謨煥前卒世孫端玉朗舒  
立王復以仁孝聞在位十九年薨世子璟滋世孫達  
杞皆前卒世曾孫亶睿立崇禎十六年賊屠平涼王  
見害

潘簡王模太祖第二十一子永樂六年之潞安就國

王守禮未嘗有過在位四十一年薨子康王信焯立

在位二十六年薨子莊王幼學立莊王有賢聲弟清

源王幼圻亦賢而莊王諸子靈川王詮銖最賢好文

學莊王壽八十在位五十八年薨子恭王詮鉅立在

位十九年薨子勳壯孫循楫皆前卒無嗣而詮銖之

孫憲主循移立憲王无好文學上疏乞內府諸書詔

以五經四書賜之嘗作夜雨詩詞人皆爲斂筆弟德

華王循梗以文雅與王齊名憲王子賢者三人世子

恆岐鎮康王恬焯安慶王恬熿憲王在位十九年薨

恬放立是爲宣王王博學工詩才藻秀逸而恬焯恬  
熾又各以孝行見褒穆宗朝恬焯有題膽雲樓陪園  
主謁瑩二詩爲詩人所稱恬熾亦能詩宣王在位二  
十九年薨子定王理克立定王能孝且恭與弟理坦  
皆能詩是時潘府郡王以詩名者復有沁水王理楷  
蓋潘自莊王以來子姓王者多好學能文尤長於詩  
各有集行世而將軍勳漣循彬循柝循恬焯理焯  
理圻理熾理瑄又彬彬先後負聲望故世稱潘國多  
才焉定王在位二十一年薨子王敦鏞立存位二十一年薨

得迴、立崇禎十七年潞安陷遇害

安惠王楸太祖第二十二子永樂六年之平涼就國  
在位二十七年薨無子國除其後韓王移國平涼乃  
詔以韓府襄陵王奉安王祀

唐定王稷太祖第二十三子永樂六年之南陽就國  
王敏慧然不自檢束在位二十五年薨子瓊煙賢而  
瓊坦無行然皆得立瓊煙者靖王也在位六年薨無  
子瓊坦代立是爲憲王在位四十八年薨王子代立  
者曰芝址行最賢是爲莊王王弟三城王芝堯蕩陰  
王芝堯亦賢其名蓋亞于王而新城王芝坦承休王  
芝堯皆無行卒自取敗莊王在位十一年薨子成王  
彌錡立王尤賢嘗廣構精廬集學校資給之使肄業  
武宗朝上疏請用賢圖治時車駕數事巡幸王作憂  
國詩八章以諷王愛其弟文城王彌鉗也彌鉗亦賢

性儉素視宗人之以裘馬名姬相誇尚者若將浼然

又頗有才畧盜起河南北指授府衛官方畧以禦之

皆有條理南陽民賴以得安彌鉗既愛于成王其子

字溫又賢而成王老無子遂以字溫爲嗣成王在位

三十五年薨敬王字溫立王始以賢孝旌其後復以

宗室大老賜書存問當是時蕩陰王芝垓之子彌錡

復以賢行趾美于國而承休王芝垓之子彌鉞折節

蓋愆尤著名聲教王嘗上其行誼于朝有詔褒美敬

王在位三十六年薨子頌王宙株立在位三年薨子

端王碩曠立王惑于嬖人因其世子器盛毒殺之端

王在位 十 年薨世孫聿鍵立自有傳初定王之

子有王于新野者曰悼懷王瓊煒悼懷三傳而輔國  
將軍字決出焉字決五歲喪明從師畫掌識文字耳  
授書日記千言久之遂博通群籍宦進士大夫日  
門請正又多習國家典故嘉靖時嘗陳便宜數十事  
不見報子宙松力舉千斤然嗜書慕古孫碩勳曾孫  
器封並博雅工文詞蓋自字決以來四世濟美而碩  
勳器封尤以詞名震耀海內家學益弘當世號爲南  
陽父子萬曆時吏科給事中張應登疏諸藩堪宗正者  
周則安胤勤煥勤此趙則載埴載堆載坵襄則載

板律變則英橫故寧府則多燬多証多煙多斫而于  
唐則頑熾也予云



鄂江王棟太祖第二十四子永樂六年之安陸就國  
就國七年薨無子國除王妃郭氏生四女皆幼王薨  
妃痛哭踏月不止曰我寡婦也無子尚誰恃也而對  
鏡寫容而痛哭以授宮人曰謹藏之俟吾諸女長令  
識我容也遂自經薨

伊厲王極太祖第二十五子永樂六年之河而就國  
王縱欲敗度裸男女而使之相逐也又嘗手劍斬人  
血濺王衣王更以其衣爲好詔書屢戒諭不悛在位  
二十四年薨有司請追削其爵葬以庶人帝不許而  
加以惡謚曰厲王王子簡王顛快立簡王亦多過惡  
被責讓在位四十年薨子勉僅已前卒孫悼王諱釗  
卒在位十年薨無子弟定王諱鏐立定王好學居喪  
有禮敬禮賢士甚有賢聲在位三十三年薨子莊王  
諱淵立 在位十六年薨無子弟敬王諱濇立王賢有  
定主風在位十六年薨子典橫立明制王薨世子必

除喪而後襲封典模未除而請于朝遂得立祖制之  
紊自此始典模既立悉變祖定王父敬王所爲日務  
作奢僭淫虐事初伊之始祖厲王故嘗以罪殺至削  
爵而典模之惡則過之遠甚在位九年竟亡其國典  
模以先王之宮度小乃更寫做天子之制營作之多  
接人妻女實其中前後至四百餘人用小人席運金  
印等謀奪民田廬金錢不可勝計即有不快其意所  
欲得必立致禍患或至舉家皆死河南守臣惠而奏  
之有詔削王祿米三之二毀宮殿之踰制者歸河樓  
喪女執席運金印等于朝典模不奉詔反傳命意開

河南府城門大索民間女年十二以上者得七百餘人悉納之宮中留其美麗者九十人而令其餘具金以贖朝廷數申前命至奪河南守臣俸以督之典模終不聽從守臣乃入謁曰王不奉詔部牒督責交錯于道惟王裁之典模又出謾言以閉衆口守臣知無奈王何于是復上言王矜惡怙終抗拒明詔無藩臣禮有詔告于太廟廢爲庶人錮之高墻而伊府遂除皇子栴太祖最少子也洪武二十六年生踰月薨

懿之太子五男虞懷王雄英惠宗皇帝及允熲允燧

既寧 簡王允燧

虞懷王雄英懿文長子洪武二年生生十四年而薨

追封冊謚

允熲懿文第三子建文元年封吳王與衡王允燧徐

王允燧同日封成祖敗爲廣澤王居之漳州又敗爲

庶人幽之鳳陽以薨

允燧懿文第四子初封衡王成祖敗爲懷恩王居之

建昌又敗爲庶人幽之鳳陽以薨

既寧 簡王允燧懿文第五子初封徐王成祖敗爲

數惠王隨母呂妃居太子陵已乃改王旣寧留京師  
恭太子祀永樂二年王府火王薨無子國除

惠宗皇帝二男太子史奎及文圭

太子文奎惠宗長子建文元年立其後爲燕人所賊  
文圭惠宗次子燕人之陷京師文圭方二歲見幽于  
中都廣安宮號曰建庶人幽十年而當英宗復辟憐  
其無罪議釋之廷臣有諫者帝不聽竟釋爲庶人給  
薪米僮奴聽婚嫁出入自便當是時命中官牛玉至  
市都入諭庶人庶人出不意伏地頓首謝且喜且悲  
庶人二歲見幽年及六十乃出道遇牛馬皆不能

名也。竟以年老不能生子，久之卒，惠宗之後遂絕。

成祖皇帝四男徐皇后生仁宗皇帝及高煦趙簡王  
高燧諸妃生皇子高熾

高煦成祖第二子永樂二年封漢王與趙王同日封  
高煦多力善射成祖以其類已愛之靖難師起以高  
煦自隨而留仁宗居守高煦勦力戰有功成祖與盛  
庸戰幾敗高煦率銳卒搏戰甚力更勝之成祖以此  
先愛近高煦而仁宗素失成祖意高煦又數構仁宗  
子成祖成祖既即位儲位未定淇國公丘福駙馬王



寧雅善高煦密爲成祖言二殿下功高宜立成祖心  
頗以爲然然畏廷臣有異議竟立仁宗爲太子而以  
雲南爲高煦封地高煦大失望不肯行曰吾何罪寔  
我荒微成祖不得已聽暫居南京其後乃命圖于青  
州則又曰吾何罪棄我瘞土留南京不肯行當仁宗  
之既立爲太子也高煦尚睥睨其位所以傾之者無  
所不至成祖亦幾爲所惑而至是宣宗以英武爲成  
祖所竒愛得立爲太孫于是太子之位乃安高煦計  
無所復施益失望遂有邪謀高煦盖自幼凶暴其奔  
太祖之喪舅父徐輝祖嘗切戒之怒而竊輝祖馬不

告于朝竟去在逆輒殺吏民又擊涿州驛丞幾克朝  
遂遷將此爲燕罪起兵端及從征伐有功怙寵益驕  
橫既不獲傾動東朝而故嘗擄染成祖起兵事遂以  
銘文父子視仁宗宣宗而心竊自比成祖欲効其所  
爲乘間隙以兵取天下乃于南京私造兵器養死士  
招集凶命漆皮爲船習水戰群下皆知其有異志以  
成祖愛之不敢發高煦又借用衆輿物支解人而接  
之江漢軍士攻剽爲奸而怒兵馬指揮徐野驢之有  
所捕治也以鐵爪撻野驢殺之于是其事稍稍上聞  
當是時成祖狩北京促駕還察之盡得其狀蓋高煦

至是乃始爲成祖所怒有詔褫其冠服繫西華門議  
廢之任宗伏地頓首力請乃削其二護衛盡誅其左右  
若狎暱而從之樂安即日促之就道成祖知高煦內  
暴不能改異日必反爲國家患時太孫侍顧謂曰樂  
安近北京即聞變朝發可夕擒也高煦既爲成祖所  
怒下遷樂安然望爲逆謀益甚成祖北征晏駕即遣  
人之北京伺變欲起仁宗知而不治會仁宗大漸召  
宣宗于南京文謀伏兵遮之以宣宗行速故不果及  
宣宗即位竟友高煦故以懿文父子視仁宗宣宗滿  
宣宗之卒也嘗虛巴曲拘其意索素駝則與之素駝

四亦索為文與之馬百二十宗袍服又與之袍服高  
煦以朝廷畏之益自負欲逆為成祖所為故以宣德  
元年八月壬戌朔舉兵反于樂安授其黨王斌朱恒  
等太師都督尚書諸官號遣枚青潛入京師約英國  
公張輔為內應又遣人約山東都指揮靳榮等期先  
取濟南然後稱兵向闕英國公輔執青告于朝而山  
東布政使接察使亦覺靳榮有變慎防之使不得發  
而疾以其事聞朝廷于是建議討之而先遣中官侯  
恭至樂安觀變賜高煦書曰皇考至親惟叔父予所  
賴亦惟叔父比枚青至言叔父將督迓朝廷小人無

狀作言離間故特數陳肝馬用以問其口恭既行  
高煦亦違百戶陳剛至京師上疏謂仁宗不宜遣洪  
武永樂時制擅與文官誥勅封贈又謂帝不當修理  
萬里席殿指憂原吉等爲奸臣索誅之又以言論文  
武大臣如疏中指帝大怒下詔親征而侯恭至樂安  
高煦盛陳兵見之面而倨坐讀勅召恭前自稱靖難  
時功大言指斥朝廷且令恭遍觀營中士馬器械而  
謂曰爾視此豈不可橫行天下爾歸語朝廷急縛奸  
臣求然後徐議我所欲恭振恐唯唯不敢發一言乃  
縱恭歸匿其語不敢奏輔行恭悉奏之帝益怒遂發

京師而高煦所約山東都指揮榮既受制不得發高  
煦知濟南不可取更議兵所向朱恒力言取南京則  
大軍定恒南京人也衆乃諱曰爾得赴爾家奈吾輩  
何高煦外武勇內實懼怯臨事狐疑展轉不能斷始  
謂帝年少新即位衆心未附即遣諸將來可以甘言  
厚餌誘也及是聞帝率六師自至遽惶懼堅守樂安  
樂敢動庚辰帝倍道趨樂安辛未昧爽城下是時  
城中黑氣黯黯如死灰也帝命諸將環而攻之將士  
奮勇四面銃聲如雷城中洵懼多欲執高煦降者高  
煦亦懼無策即遣人詣行憚願假今夕訣妻子明出

歸罪許之壬午高煦果將出城王斌等力止之曰寧一  
戰死無爲人擒高煦畏懼卒不敢戰乃給斌等徵復  
入宮計之而潛從間道出見帝帝遂以高煦及其子  
歸于京師誅其黨王斌等樂安平高煦謀逆十餘年  
及是舉兵凡二十有一日竟不戰而敗帝以高煦歸  
廢爲庶人鎖之逍遙城一日帝往熱視久之高煦出  
不意伸一足勾帝仆地左右急救之帝既免而大怒命  
壯士舁銅甕覆之甕重三百斤高煦多力負甕輒動  
帝命積炭甕土大熾銅甕高煦死高煦世子瞻垣前  
死不預于禍次子襄圻嘗惡高煦之殺其母數爲成

祖言高煦罪仁宗之世又妄言朝廷將發大兵襲樂安高煦以其事聞廢銅鳳陽至是與其弟瞻塗等八人皆死



趙簡王高燧成祖第三子既死趙留居守北京洪熙元年乃之彰德就國王好武事守北京任用亦人居六年遇大者成祖北幸知其狀怒而大殺王左右禱王冠服不聽入侍仁宗力救得解王由此畏罪循禮法事仁宗甚謹將之國力辭二護衛仁宗嘉之高煦死其黨誣王與其謀宣宗不聽既執高煦多請即移兵取趙者卒不聽已而群臣言趙事不已王聞之大懼遂盡納其護衛宣宗待王有加禮王竟得無他王在位三十八年薨子惠王瞻煇立 在位二十三年薨子悼王初鑑立 在位六年薨子靖王見濟立 惠王悼

王皆頗有過至見濟尤甚多賊殺人又嘗乘醉欲殺其叔父詔奪祿米三之二去冠服戴民巾讀書習禮其後三年王母妃季氏爲請乃得復冠服如故然王卒不能改行愛幼子祐和遜誣長子祐棟以太逆後被詔譙讓在位三十八年薨祐代立是爲莊王王亦有酒色過在位三十六年薨子康王厚煜立主事祖母楊妃以孝聞嗜學傳古文藻弘麗天折節愛寬客戶屢恒滿名譽蔚然在位四十年以自縊薨先是趙希輔圖將軍祐棟等放犯法與有司爲難王死祐棟然祐棟卒得罪平并見責去後有司益務以事裁

抑諸宗人諸宗人亦不能為之下於是知府彭汝礪  
通判田時雨遂榜繫其叔隸王使人求解弗聽王甚  
咄咄不樂已而王自縊王子成舉王載垓上疏謂王  
用前事怨恚自經詔逮時雨送河南 汝礪戍極

邊王二子載培載峙載培及其子珣錫皆前卒載垓  
者王次妃張氏出也或曰王素仁柔解斷以有所怒  
於張氏母子致然然其事秘外間竟莫能明也康王  
既薨世子載培之孫穆王常清立王以善行見挫於  
朝在位 十 年薨 弟常被立崇禎十七

年彰德陷過客

皇子高熲成祖第四子瑒

明史卷一百五十四

列傳五

諸王下

仁宗皇帝十男張皇后生宣宗皇帝越靖王瞻墉襄  
獻王瞻塔李賢妃生鄭靖王瞻浚淮靖王瞻煥張順  
妃生荆憲王瞻垌郭貴妃生滕懷王瞻埏梁莊王瞻  
均衛恭王瞻埏諸妃生圻獻王瞻垠

鄭靖王瞻棧仁宗第二子永樂二十二年冬十月與  
越襄荆淮滕梁衛七王同日封國於鳳翔宣德四年  
之國正統七年移國懷慶在位四十三年薨子簡王  
初鏐立王妃韓氏生子見滋妃無寵見滋惡於王王  
愛妾生子曰見愬面次見滋王爲世子時朝廷以其  
棄妃立妾召至切責之留居諸王館擇翰林院官教  
之改過既歸終不改妃遂以不良死及王即位追仇  
妃不置殊不欲立見滋於是見愬日夜冀望爲嗣而  
朝廷數切責王見滋乃得爲世子而封見愬盟津王  
見愬怨王不遂立己竊世子金冊去王上逼朝議不

得已索冊歸之世子見愬自是益怨王也時時晉王不復肯朝見又多作凶暴事王不能制久之寧聞見愬由此削爵爲庶人見愬之次弟東垣王見湏嘗以微罪削冠帶然未嘗有大過簡王在位二十八年薨見滋已前卒其子康王祐杓立在位五十一年薨無子見滋之後絕見愬故以罪廢其子祐楛不得襲爵於見東垣王見湏之子祐楛立是爲懿王王居喪盡禮在位十三年薨子恭王厚炆立見愬之子祐楛求復盟津王爵王不敢爲矣祐楛大以此憾王王請書好古以世宗不能勤學從嘉兵賢求治惟惑溺於道

家邪說而欲以威嚴箝天下之口心久非之欲因事  
諷諫會陶仲文作醮天壇祐禧即遣人獻香以自昵  
於上王益以爲非乃上疏請修德講學并進居敬窮  
理克己存誠四箴復演連珠十首以失賢簡禮怠政  
拒諫神仙土木爲規當是時周府鎮國中尉勤賢方  
以上甄言事得罪其疏曰陛下躬上聖之資承列祖  
之後宜以古帝王爲法乃厭棄萬幾溺意長生以齋  
醮爲訂謨以興作爲急務獨不思秦皇漢武梁武宋  
徽所就竟何如耶數年以來朝儀久缺委任匪人遂  
至賄賂公行刑罰倒置奔競成風公私殫竭脫有意



外之變臣將不知所稅駕矣。邇者天心仁愛，災異迭見，而朝廷不聞罪己之詔，大臣不聞引咎之章。慶瑞黃符紛然不已，殆非所以承天變也。伏望念祖宗創業之難，敬謹示戒，復朝儀，杜邪枉，屏道家之說，開忠諫之路，則天意必回，人心用勸，而上可與克齊，齊名等壽，非不知言出禍隨，誠願得從。劉向、趙汝愚同進。地下不恨世宗怒其謗訕，廢為庶人，錮之高墻，而王疏又至，詞語亦甚切直。世宗於是大怒，下使者於獄，請罪。批其疏曰：「彌探知宗室有謗訕者，輒敢劾，尤被勤愛，一無賴子耳。爾真今之西伯也，所欲為者任爾。」

爲之世宗既用是怒王而王前此嘗上疏表忘稱臣  
於是并追街其事然未有以發而祐楫因帝之怒遂  
告王反狀然竟用前事誣王驕淫欺謾不臣無親亦  
廢爲庶人錮之高墻而暴其罪於諸王府於是禮部  
擇入晉王府事帝以王世子載堉罪人子不用用嘗  
獻瑞鞍者廬江王祐楫嘉靖二十九年也王反動熨  
錮於高墻死十八年而穆宗改元乃釋王復其爵歲  
加祿米一百石并歸勸熨命有司存卹之勸熨與王  
俱以建言得罪然王忠誠出於自然非有所爲而勸  
熨故嘗以事奪祿資身無策論者頗謂其用是釣奇

云故王既得出而獨以賢名聞於天下惟天子亦重  
焉神宗名王書院曰景賢又稱王忠孝兼全善行昭  
著遣使褒嘉王性儉約自少至老布衣蔬食而已凡  
位二十四年而廢廢十八年而復王復王二十五年  
而薨世子載堉不肯襲爵以讓於見愾之曾孫載璽  
先是見愾既以罪廢子孫皆爲庶人故懿王踰次得  
立恭王得罪後世宗復見愾爵賜謚於是載堉以爲  
簡王支子盟津爲長見愾爵既復則其曾孫載璽當  
坐鄭祀固請於朝七疏乃許之有詔載堉仍稱世子  
其子翊錫稱世孫各食郡王祿以終其身而載璽遂

立爲鄭王載堉當恭王蒙難時痛念其父築土室宮  
門外席藁獨處王出乃復於寢至是年已七十復以  
讓國若節廷議高之比於秦伯伯夸季札子臧爲之  
樹坊表宅賜勅褒異曰所以愧天下宗藩及縉紳士  
庶之隱忍貪昧爭利無耻者也載堉學甚博明曆知  
樂嘗獻所著萬年曆於朝朝廷雖降詔嘉其篤學然  
不能知其法之精也其於樂所得尤深有樂書行於  
世其卒也謚曰端清世子載璽立爲鄭王 年而  
薨子翔鍾立崇禎十三年以

賜死國除

越靖王瞻墉仁宗第三子既封未之國正統四年薨  
無子國除

新獻王瞻垠仁宗第四子永樂時薨無子仁宗即位  
追封

襄獻王膽塔仁宗第五子宣德四年之長沙就國正  
統初移國襄陽英宗北狩王上疏慰皇太后請令太  
子攝位急發府庫募死士以圖迎復疏至景帝已即  
位遂匿不以聞景泰中文奏疏太后問英宗起居及  
勅景帝朝南宮景帝不能從亦不使太后知也英宗  
復辟小人方誣少保于謙等謀立襄王謙等既獲重  
罪會帝得王疏宮中覽之感動坦然不以疑王因王  
請入朝遂遣太監夏時齎勅符迎之賜書嘉歎比前  
疏于金勝王遂來朝蓋親王之不得朝京師自宣德  
以來至是已三十餘年矣帝與王相見甚驩廷王內

殿行家人禮又令百官朝王於王館敦宴王因訪王時政王避席曰臣過汴汴父老遮道訴按察使王概以賢被誣下獄惟陛下加察帝立命法司雪概王辭還國帝送至午門王伏地不起帝問叔父欲何言王頓首曰萬方望治如渴願陛下省刑薄斂以答其望帝拱手曰謹受教天順四年再入朝帝製峴山漢水賦襄陽四時歌賜之又益王護衛又勅王每歲秋冬之間得三五出城游覽以怡王性情王既爲朝廷所重益小心敬畏守禮法遠嫌疑故自英宗及垂憲宗始終恩禮不替王年七十有三在位五十年乃薨子

定王初鑄立定王長子曰見淑次子曰見滂定王在位十年堯簡王見淑立簡王長子曰祐材次子曰祐攢簡王在位二年堯懷王祐材立在位十四年堯無子弟康王祐攢立在位

年堯亦無子弟簡王之後

絕而見滂之孫莊王厚頰立初懷王之世宮中大火先世儲侍爲之一空襄府遂貧及莊王之立而折節爲儉能惡衣食恐嗜欲以致其畜藏久之富比其舊數推羨餘獻之朝廷餉邊助工世宗嘉焉王事母孝又有惠於襄人在位十五年堯子靖王載堯立在位

年堯子

王翊銘立崇禎十四年張獻忠襲陷襄



陽王遇害宮眷死者四十三人福清王常澄進賢王  
常淦突圍得出詔遂以常澄嗣襄王寄居九江府後  
不知所終

荆憲王瞻嫔仁宗第六子宣德四年之建昌就國正  
統十年徙新州景泰初上書請朝上皇不許在位三  
十年薨子靖王初鎬立王妃魏氏生見瀟又生見溥  
後宮生見溥王在位七年薨見瀟立見瀟素怨魏妃  
之偏愛見溥也既即位而幽妃妃以憂薨遂笞殺見  
溥強蒸其妃何氏留之宮中不遣歸悅從弟都昌王  
見溥之妃茹氏求通焉見溥之母馬妃不可則斃而  
榜之遂薨土壓殺見溥而械繫茹氏入宮與亂又閉  
所怒鎮國將軍見漢見流於空舍餓殺之嘗率惡少  
年輕騎掠婦女於漢濱居者多被其擾久之遂造弓

考與其子祐柄謀不執見濬懼禍及己密以其淫虐聞有詔廢錮西內居兩年見濬從西內奏見濬過於是見濬更發其不執事乃賜見濬死替祐柄而以見濬之子祐柵主荆祀是爲和王王子厚烜厚焜厚熿王在位十年薨端王厚烜立端王賢嘉靖中以病辭位不許而以其弟富順王厚焜攝府事厚焜尤賢和王之歿年尚幼頗失學比長耻之發憤力學至忘食寢痛念幼而喪父嘗讀劉向說苑至子欲養而親不遂輒三復淚下既攝府事久之端王子載堦長即謝其事去當世稱之厚熿亦好學有詩名端王在位四

十六年薨載堦前卒其子莊王珣鉅立荆自靖王諸  
子交惡失全譽及端王兄弟感先世家難深自奮勵  
以禮讓訓飭諸宗人宗人多能自愛而見澤曾孫載  
堦尤以文行稱明制郡王女封縣主歲食祿六百石  
載堦方自以歲糜國廩無所補求自効不得請有四  
女乃皆以妻士人不爲請封曰柰何復令女子耗食  
乎載堦貧而好客投人刺必書名與諸縉紳交其賓  
主禮前後藩王所未有也好讀易頗能窮其理莊王  
以載堦賢重之每舉以訓諸子然諸子未能率也世  
子常冷尤殘恣王言於朝廢爲庶人王在位十六年

堯子啟王帝注立一年堯無子弟 王尚益立任位

年堯子定王申拱立任位 年堯子慈羹立

在位 年堯堯後一月而蘄州爲張獻忠所襲陷

世子徽服遁荆祀遂絕

淮靖王贍填仁宗第七子宣德四年之韶州就國正  
統初移國饒州與寧府爲隣王在位二十三年薨子  
康王初銓立王世子曰見濂其次弟曰靖江王見澂  
王在位五十五年薨見濂前卒又無子見澂子祐榮  
立是爲定王王與饒州推官汪文盛有隙文盛怨家  
顧嵩故病風持刀直入王府謾言汪推官使我來殺  
王左長史莊典執嵩以聞先是南昌鎮守太監黎安  
至饒從者騎而至王府端禮門被撻安以爲辱怨王  
饒州瀕河地衛既與寧府爲隣是時寧王宸濂潛蓄  
異謀志相吞噬而王先世有名琴曰天風環珮宸濂

絕欲得之怒王不與重以事欲敗王於是族安為奏  
告王遇而會莊典以顧嵩事聞遂并劾典誣罔圖陷  
文盛不俟報遽逮典考掠相與斃之獄中王乃奏安  
挾仇殺典以脫文盛而畏宸濠之威奏中不敢及朝  
廷竟右安以文盛為嵩所誣無罪責王偏聽罪其軍  
校二十八人而典寃竟不得白是役也王幾失爵國  
坐是質正德十年也王在位二十二年薨無子弟莊  
王祐楨立在位十三年薨子憲王厚燾立在位二十  
五年薨子恭王載堉立在位二十一年薨子翊鉞前  
卒弟王載堅立在位 年薨子翊鉞立初定王

祐榮以世子見濂弟子襲其祖康王魯詔追封見濂  
爲安王而冊詞稱安王爲祐榮伯父於是祐榮有事  
於廟祝詞稱安王伯本生父靖江王見澱王父而靖  
江王妃趙氏遂稱國母進居永壽宮安王妃王氏顧  
仍居世子宮祐榮復上疏稱己生在安王卒後未嘗  
爲嗣請得追封所生親王江西守臣請如王奏令靖  
江王加封入廟與安王同爲三世之穆禮部尚書劉  
春議曰祐榮雖生安王歿後既入主淮祀則是安王  
嗣子矣今乃欲追封本生之父徒顧戀私恩而不知  
爲人後之爲重不亦戾乎况安王既爲三世之穆靖



江如又進封一代二穆豈禮也哉自今祝詞宜正所  
賤之稱其靖江王妃事以別子主之淮王不得預焉  
永壽宜全安王妃居之而靖江王妃仍退居本府斯  
典禮法令皆得矣帝以其援據甚明從之及嘉靖之  
世竟進封靖江王為淮端王云

滕懷王瞻埴仁宗第八子國於雲南未行而薨無子  
國除

梁莊王瞻埴仁宗第九子宣德四年之安陸就國即  
故鄂王邸開府王頗好學襄獻王自長沙徙襄陽道  
安陸王出迎明日獻王入城相見甚歡又明日辭去  
王泣曰嗟乎吾兄弟不得更復相見奈何正統六年  
薨無子國除其後睿宗封安陸得鄂梁邸田爲二王

供祀事云

衛恭王瞻埴仁宗第十子王好學以賢聞國於懷慶  
未行而薨無子國除

英宗皇帝九男周 生憲宗皇帝崇簡王見澤萬

宸妃生榮王見清德莊王見滿吉簡王見浚忻穆王

見治王惠妃生許悼王見淳高淑妃生秀懷王見澍

韋德妃生徽莊王見沛

榮王見清英宗第二子許悼王見淳英宗第三子景

森三年既廢皇太子見深爲沂王遂封沂王弟見清

爲榮王見淳爲許王榮王許王未幾相繼歿榮王無

謚許王雖得謚然喪葬禮亦從殺

德莊王見滿英宗第四子天順元年與秀崇吉三王

同日封成化三年之國濟南在位六十一并薨子懿

王祐據立在位十九年薨世子厚燬前卒其子恭王  
載墜立在位三十四年薨子定王翊館立在位二十  
年薨子端王常潛立

秀懷王見澍英宗第五子成化六年之國汝寧在道  
濡滯民以爲擾左長史言其故王即疾行抵國宦豎  
言王居隘請移先師廟以廣之王不聽常聽左右長  
史說書兩人各直是其說忿爭不已王徐曰先皇帝  
簡二先生輔余經義即未有定論何嫌往復乃爾動  
色爭耶兩長史皆頓首謝王之國二年而薨無子國  
除

崇簡王見澤英宗第六子成化十年之國汝寧王周  
太后少子太后愛之弘治二年王思太后援襄王故  
事請來朝不許七年太后有疾王請入朝起居又不  
許八年太后以春秋高欲一見王帝勅召王大學士  
徐溥尚書倪岳等以爲費財擾民交章力爭且言親  
王來朝雖有故事然自宣德以來已鮮舉行英宗復  
辟襄王奉詔朝京師雖篤敦叙之恩寔塞嫌疑之隙  
揆今事體不同宜勿召王便帝重違太后意而言者  
不已乃請於太后竟止不召王在位四十九年薨子  
靖王祐棊立任位四年薨子恭王厚燿立簡靖恭三

年並以賢名而恭王尤孝友爲世所重恭王在位二十  
四年薨子莊王載境立在位十九年薨子王翊  
立 在位二十 年薨子昭王常濬立在位 年  
薨子由櫛立崇禎十五年李自成陷汝寧脅降王欲  
以爲襄陽伯令諭降州縣之未下者王不屈死之弟  
河陽王由材世子慈煥次子慈炤皆遇害

吉簡王見浚英宗第七子成化十三年之國長沙王  
屢有所求乞正德初朝廷嘗數王府官不能輔導罪  
然王卒不改所求亦多見允在位七十一年薨世子  
祐扶前卒其子定王厚燭立在位十一年薨子端王  
載均立在位二十二年薨子莊王翊鎮立在位八年  
薨亡子庶凡定王翊鸞立王以忠孝受旌於朝在位  
四十七年薨世子常淳立前卒其子王由棟立在  
位十六年薨子慈立崇禎十六年避賊亡之永州  
不知所終

忻穆王見治英宗第八子成化二年與徽王同日封

求之國莫無于國除



徽莊王見沛英宗第九子成化十七年之國鈞州在  
位四十年薨子簡王祐棖立在位十八年薨子恭王  
厚燾立在位二十五年薨子載堉立初恭王以修道  
自昵於世宗文飾美女獻陶仲文仲文數譽王奉道  
萬寧王敬得賜號太清輔立宣化忠道真人受金印  
王恬恩無忌恣作威福大為撫按官所患幾見傾覆  
幸得免及載堉立而惡滋甚五年遂敗載堉悅方士  
縉高輔因仲文進之冀承寵渥比恭王世宗果大喜  
稱其忠敬載堉計既得遂大肆於其國多壞民廬墓  
毀廣其宮室制度皆假於天子庫官王章諫杖殺之

奪民耿安等女婦不可勝計小忤意輒死微服之  
南京走揚州買妾以歸至鳳陽見執三日走免自知  
所為不道恐殺罪乃密置驛伺朝廷動靜而世宗之  
愛幸高輔幾與仲文埒高輔益欲爭寵而借載埒罪  
以傾仲文言仲文受其金甚夥帝由是惡載埒仲文  
畏避不能庇也然帝猶未有以發而會載埒又賊殺  
所奪耿安女安上變告王奢借淫虐且言王竊出窺  
南京形勝五日一探上起居幸天下有變而欲為不  
執事下撫按官劾問當恭王之時撫按官有論其罪  
者輒被重譴恭王以故益橫及是撫按官既患苦載

瑜又共追疾恭王前事遂覆奏安言具有狀帝怒下  
詔暴其罪惡廢爲庶人幽之高墻除徽世封沒入其  
資產當是時有司督衆圍王宮防守甚嚴載瑜未知  
朝廷處分疑不得生惶惑自殺妻妾皆死者五十  
餘人徽府遂絕嘉靖三十五年也

景皇帝一男懷獻世子見濟抗妃出也

懷獻世子見濟始為邨王世子英宗北狩皇太后命  
其憲宗為皇太子而以景帝輔政已而景帝即位憲  
宗居康宮如故帝數欲以見濟代太子而難於發言  
皇后汪氏又力以為不可遲回久之太監王誠舒良  
為帝謀先賜諸大臣於是內閣陳循高穀又賜金百  
兩待郎江淵王一寧蕭鎡學士高輅半賜之然亦尚  
未敢發廣西潯州指揮黃珖者思明土知府瑯庶兄  
也珖欲奪瑯位陰使其子賊殺瑯父子盡滅其家而  
賜為發喪捕賊其事旋覺下撫鎮窮治珖大懼伺朝

廷有易儲意乃遣千戶袁洪走京師上疏曰太祖皇帝百戰艱難取天下期傳之萬世往年上皇輕身禦賊文武將吏十喪八九駕陷北庭寇至都門幾喪社稷不有陛下臣民何歸今陛下承太祖列聖眷命正位已踰二年而皇儲未建臣惟人心易搖多言難定爭奪一萌禍亂不息陛下即欲固循遜讓之美恐事機叵測反覆靡常語曰天與不取反受其咎近日仰觀天象土星逆行入太微垣與諸災變皆可畏愕願早塞定大計以一中外之心絕覬覦之望景帝得疏則大喜曰萬里外有此忠臣亟下廷臣會議且令釋

玆罪殿都督蔣景泰三年四月也疏入之明日禮部尚書胡濙侍郎薛瑄鄒幹集文武群臣廷議衆相顧莫敢發言惟都給事中李侃林聰及御史朱英以爲不可尚書王直亦有難色太監興安厲聲曰事不容已即不欲者勿署名無得首鼠持兩端群臣皆唯唯不敢違陳循又先嘗受賜欲事之速成乃濡筆強直署議於是濙等暨魏國公徐承宗寧陽侯陳懋安遠侯柳溥武清侯石亨成安侯郭晟定西侯蔣琬駙馬都尉薛桓襄城伯李瑾武進伯朱瑛平鄉伯陳輔安鄉伯張寧都督孫鍾張軌劉琛張通郭英劉鑑張儀

錦衣衛指揮同知畢旺曹敬指揮僉事林福尚書王  
直陳循高穀何文淵全濂于謙俞士悅左都御史王  
文王翔揚善侍郎王淵俞山項文曜劉中敷沈翼蕭  
鉉王六寧李賢周瑄趙榮張敏通政使李錫通政樂  
暉王復叅議馮貫卿蕭維禎許彬蔣守約齊整李賓  
少卿張固習嘉言李宗周耐能陳誠王仕儁張翔齊  
政寺丞李希李茂安柴望鄭鏞楊詢王溢翰林學士  
尚輅六科都給事中李讚李侃李春蘇霖聰張文質  
尚書道御史王震朱英徐謙丁泰亨強宏劉琚陸厚  
原傑嚴振沈義楊瑄王驥左鼎合疏上言父有天下

必傳於子陛下膺天明命中興邦家統緒之傳必歸  
聖子黃珙奏是制曰可命禮部具儀擇日以聞即日  
簡置東宮官命凡兼東宮公孤者皆去二俸又以李  
侃林聰先有異議擢之以慰悅其意遂廢皇太子爲  
沂王而以見濟代之廢皇后汪氏而以見濟母杭氏  
代之五月下詔曰天祐下民作之君實遺安於四海  
豈有天下傳之子斯本固於萬耳其大赦天下太子  
既立之明日帝命以東宮令旨大賚文武官監生下  
及軍校吏胥僧道耆民已又以立太子故賞諸親王  
公主又賞邊鎮內外文武群臣又加賞陳循高穀江



淵王。一寧蕭鎡高輅各金五十兩明年二月皇太子  
冠命胡濙持節掌冠高毅贊冠蕭鎡宣戒勅十一月  
以御史張鷟言簡東宮師傅講讀官帝命胡濙王直  
陳循高毅王文儀銘江洲蕭鎡俞山俞綱高輅日更  
番侍班彭時日講書李侃李齡錢溥劉吉日尚侍讀  
書王謙趙昂更日侍書越四日太子薨賜謚葬西山  
天順元年降稱懷獻世子諸建議易儲者皆得罪黃  
珖已前死捕其子抵罪

憲宗皇帝十三男萬貴妃生皇子某栢賢妃生輝琳  
太子祐極紀不詳注孝宗皇帝邵宸妃生興獻王祐  
岐惠王祐楡雍靖王祐楹張德妃生益端王祐楨  
衡恭王祐禔汝安王祐棹姚安妃生壽定王祐禧楊  
恭妃生涇簡王祐楨申懿王祐楷潘端妃生滌莊王  
祐樞興獻王後加尊號見世宗本紀

皇子某以成化二年生未期而薨  
悼恭太子祐極憲宗第二子成化七年立爲皇太子  
未幾暴薨

岐惠王祐楡憲宗第五子成化二十三年與興益衡

雍四王同日封弘治八年之國德安在位十五年薨  
無子國除

益端王祐檟憲宗第六子國於建昌即荆邸爲王府  
弘治八年之國王好書史工楷篆愛民重士無所侵  
擾奸人班明誣王與張鶴齡有異謀王素無失德事  
得白在位十八年薨子莊王厚諱立王博敏好學雖  
宦寺女御亦誨以詩書在位十八年薨亡子弟恭王  
厚炆立初端王性儉約巾服澣濯至再日一素食無  
羨饌莊王亦不喜華靡非大宴饗不作音樂臣下有  
僭侈踰制者必痛繩之曰奢惡之太汝寧弗聞而欺

起自胙乎至於恭王自奉有父兄風比三王以儉德  
先其國帑藏有餘常辭祿米以佐朝廷之用恭王在  
位二十五年薨長子戴增前卒戴增子宣王翊釗立  
王好容斥先世所畜以廣招名士汲汲惟恐不及王  
聲譽大起國亦用是貧矣然王好客彌甚財耗無以  
供賓客燕饋至稱貸以足之王在位 年薨子敬

王常遷立 在位

年薨子由木立國亡竄閩中

衛恭王祐揮憲宗第七子弘治十三年之國青州在  
位五十二年薨子莊王厚燾立常辭祿二千石以勝  
宗室之乏宗人德之王大以賢稱是時諸宗人高唐

王厚燠齊東王厚炳新樂王載璽亦皆有賢名王在位三十二年薨子康王載珪立任位四年薨亡子弟安王載封立任位五十年薨子定王翊鏞立任位四年薨子憲王常漁立崇禎十七年開京師陷出亡道薨

雍靖王祐樞憲宗第八子弘治十三年之國衛州在位年薨無子國除

壽定王祐楮憲宗第九子弘治四年同皇弟興汝涇榮申四王同日封十一年之國德安在位五十五年薨無子國除

汝安王祐杼憲宗第十子弘治十四年之國衛輝世  
宗南巡王途迓甚恭帝嘉之加歲祿賜金幣在位五  
十一年薨無子國除

涇簡王祐楫憲宗第十一子弘治十五年之國沂州  
在位四十七年薨無子國除

榮莊王祐樞憲宗第十二子既封後久留京師劉瑾  
惡之乃之常德就國在位四十九年薨世子厚燏前  
卒其子恭王載堉立 在位 年薨子定王翊鈐

車在位十五年薨子端王常瀛立 在位 年薨

子憲王由棖立 在位 年薨子慈照立張獻忠

入河南王奉太后妃姚氏出亡

中懿王祐楷憲宗第十三子未之國薨無子國除

孝宗皇帝二男武宗皇帝及蔚悼王厚焯皆張皇后  
出也

蔚悼王厚焯孝宗第二子生三歲薨

熙宗皇帝公男濶貴妃生哀冲太子載基王貴妃生  
莊敬太子載戲杜恭妃生穆宗皇帝盧靖妃生景恭  
王載圳江肅妃生頽殤王載重趙懿妃生威懷王載  
聖陳雍妃生菊哀王載壘趙榮妃生均思王載墜

哀冲太子載基世宗長子生二月薨追贈

莊敬太子載戲世宗第二子嘉靖十八年帝將南巡  
乃立爲皇太子命之監國時年甫四歲也又十年而



堯

景恭王載圳世宗第四子嘉靖十八年與兄裕生同日封裕王者穆宗也莊敬太子堯群臣言裕王次當立帝以前兩太子皆不永遲之已又信方士語於是二王皆不得見帝載圳既與裕王並居邸居處衣服無別其左右遂妄有窺覲語漸聞其後帝春秋高益惡閑立儲君語而故中允郭希顏失職家居欲以危言動主聽律大功乃上疏請之帝大怒誣希顏懷逆即家斬之傳首天下然自此亦全景王之國德安夜半宣從中出天下乃知帝初無立少意也景王之國

四年而薨在位凡二十七年無子國除  
顏瑒王載重世宗第五子生二日而薨

威懷王載暨世宗第六子

薊哀王載壘世宗第七子

均思王載墜世宗第八子三王皆踰歲而薨

神珠皇帝生勇王其母庄光宗聖帝鄭貴妃生福恭  
主常洵沆懷王常浩周端妃生瑞王常浩李貴妃生  
總王常澗莊恭王常濂諸妃生郊哀王常淑  
郊哀王常淑神宗第二子生一歲而薨

福恭王常洵神宗第三子萬曆二十九年與瑞惠桂  
王生同日封四十二年之國洛陽初王母鄭貴妃因  
雙帝與王帝上畏太后下逼群臣不得已乃立光宗  
福封王於福又不得已乃令王之國當是時天下以  
王故痛心疾首爭論者三十餘年而王昏庸所好惟  
婦女醇酒若罔聞知也先是帝所遣礦使稅使數十

人日有奉月有進所得珍寶不可勝計號爲人主私財及福王之國斥其十之九遣之所賜莊田至四萬頃又所請祿稅地東至南畿西至四川使者乘傳來徃收利所至爲之騷然民間藉藉謂帝耗天下以給王而洛陽王邸富於大內云崇禎時陝西盜起河南大旱蝗人相食四方兵過洛陽者多嘗道中言王府金錢山積而令吾輩枵腹死賊乎南京兵部尚書呂維祺在城中聞之懼以利害動王王亦惜然不爲意也十四年賊攻城城守兵呼賊相笑語遂開門迎之入執王殺之盡取其財而歛王以桐棺一寸焉王子

德昌王由松等皆避禍不知所在其後鳳陽總督馬士英得持福王印者於淮安遂號爲由松排衆議而立之云

沅懷王常治神宗第四子生一歲而薨

瑞王常浩神宗第五子天啟七年之國漢中崇禎末避寇奔於重慶已而張獻忠陷重慶王遇害

惠王常潤神宗第六子天啟七年之國荊州崇禎末避寇奔於湖南又入於廣西不知所終

桂恭王常瀛神宗第七子天啟七年之國衡州王與瑞惠二王皆無寵瑞王年二十有五王及惠王年二

計皆不爲之選原所封地又皆荒瘠而桂府地近廣  
西尤爲僻遠馮崇禎未避張獻忠之亂自衡州奔於  
永州又奔於梧州居焉南都之覆尚書陳于壯以王  
神宗子宜立會唐生已建號福建乃止王以憂悖致  
疾薨第三子由授代立不一月亦薨無子弟由根當  
立會爲諸臣所推遂建號肇慶

光宗皇帝五男無嗣生熹宗皇帝及簡懷王由樸  
劉由樸生愍帝王選侍生齊思王由樸李選侍生懷  
惠王由樸

簡懷王由樸生四歲薨

齊思王由樸生八歲薨

懷惠王由樸生五歲薨

熹宗皇帝三男

懷冲太子慈然

悼懷太子慈精

獻懷太子慈炁

愍皇帝五男周皇后生太子慈娘餘不知其母氏  
太子慈娘愍帝長子崇禎年立京師之陷與永定  
無王皆不知所在或曰南都諸臣號爲王之明者寔  
太子也

定王慈烱

永王慈烱

悼靈王慈煥生五歲薨

論曰文正父子驕恣不法母乃已甚國家以義裁之  
不爲過也然太祖之度訓秦嚴矣而諸子若秦愍魯  
荒伊厲園定齊樽潭梓之屬並以惡終不齒於世乃



至晉濟熿楚英燿遼憲楫岷膺鉅者流狂詩惱淫殆  
難以人理論矣豈其習與性成終有莫可移易者耶  
迨後諸宗賢者不乏並皆格於成例一無以自展即  
才如睦擇當時以文行著稱為何如亦祇鬱鬱如老  
經生窮年佔俸自號西亭先生而已何況所謂南陽  
父子之戈交乎噫